

LA CONTA DI RAT VALPELLINE (AGNESE ANSERMIN)



Padze 1

Eun passèn dézò na CLEENDA eun RAT l'a igueró la PÉ.

Padze 2

Lo rat va avoué lo CORDAGNÉ é lèi di :

« Cordagné, pe plèizì, remenda-mè la pé que n'i igueró eun passèn dézò la cllenda ! ».

« Bièn voulountché ! » lèi ripón lo cordagné « Mé pe sen n'é fata di PÈI DI GADEUN ».

Padze 3

Lo rat va tsertsé lo GADEUN é lèi di :

« Gadeun, pe plèizì, bailla-mè de pèi pe lo cordogné ! ».

« Bièn voulountché ! » lèi ripón lo gadeun « Mé pe sen n'é fata de la FAEUNNA ».

Padze 4

Lo rat va troué lo MOULÉN-É é lèi di :

« Moulén-é, pe plèizì, bailla-mè de faeunna pe lo gadeun ! ».

« Bièn voulountché ! » lèi ripón lo moulén-é « Mé pe sen n'é fata di BLOU ! ».

Padze 5

Lo rat va tsertsé lo TSAN di blou é lèi di :

« Tsan de blou, pe plèizì, bailla-mè de blou pe lo moulén-é ! ».

« Bièn voulountché ! » lèi ripón lo tsan di blou « Mé pe sen n'é fata de la DREUDZE, pe fée paoussé lo blou ».

Padze6

Adón lo rat va tsertsé la VATSE é lèi di :

« Vatsé, pe plèizì, bailla-mè de dreudze pe lo tsan di blou ! ».

« Bièn voulountché ! » lèi ripón la vatse « Mé pe sen n'é fata di FEN ».

Padze 7

Adón lo rat va tsertsé lo PRO é lèi di :

« Pro, pe plèizì, bailla-mè de fen pe la vatse ! ».

« Bièn voulountché ! » lèi ripón lo pro « Mé pe sen n'é fata de l'ÉVE, pe fée crèitre l'erba ».

Padze8

É lo rat va troué lo RI é lèi di :

« Ri, pe plèizì, bailla-mè l'éve pe lo pro ! ».

Padze9

Adón lo RI baille l'ÉVE i RAT que la pourte i PRO ;

é lo PRO lèi baille lo FEN pe pourté a la VATSE ;

é la VATSE lèi baille la DREUDZE pe pourté i TSAN de blou ;

é lo TSAN de blou lèi baille lo BLOU pe pourté i MOULÉN-É ;

é lo MOULÉN-É lèi baille la FAEUNNA pe pourté i GADEUN ;

é lo GADEUN lèi baille lo PÈI pe pourté i CORDAGNÉ ;

é lo CORDAGNÉ lèi remende la PÉ que l'ayé igueró eun passèn dézò la CLEENDA !